

Iliveqarfiit ungaloqartinneqarneri, avatangiisaat il.il pillugit Namminersornerullutik Oqartussat nalunaarutaat

Iliveqarfiit pillugit Inatsisartut peqqussutaanni nr. 6-imi 17. oktober 1990-imeersumi § 5 malillugu makku aalajangersarneqarput:

§ 1. Iliveqarfiit avataat erseqqissumik nalunaarneqarsimassapput, taamalalilluni sumut killeqarneri erseqqissumik takuneqarsinnaaqqullugit.

Imm. 2. Iliveqarfliornermi iliveqarfiilluunniit allineqarnerani iliveqarfimmiit kuuffiit najugaqarfinnut najugaqarfissatulluunniit pilersaarutigineqartunut kuunnginnissaat isumannaarneqassaaq, taamaatullu kuuffiit taakku iifteqarfimmut imeqarfissatulluunniit pilersaarutigineqartunut imaluunniit taakku avaqqullugit isumannaallisaanermi killissarititaasunut kuunnginnissaat aamma isumannaarneqassalluni.

Imm. 3. Iliveqarfiliassatut iliveqarfiilluunniit allineqarnissaanut pilersaatutit peqqinnissakkut oqartussanut akuerisassanngorlugit saqqummiunneqassapput.

§ 2. Ungalut killeqarfittulluunniit nalunaarsuutit pinngortitap atortussarititaanit sapinngisamik sanaajussapput, soorlu ujaqqanik issuntilluunniit qarmagaallutik, ujaqqanilluunniit inussuliaallutik. Pisariaqarfiatigut ungalut qisunnit ungerutissianilluunniit sanaajusinnaapput iliveqarfiup pissusianut naleqquttunngorsakkat.

§ 3. Iliveqarfiit allineqarnerini nutaartaasa ungaluisa pisoqqat ungalui sapinngisamik assigniassavaat.

§ 4. Ungalutoqqat ujaqqat qarmakkalluunniit piarneqaratilluunniit, nuunneqaratilluunniit atortussanik allanik taarserneqassanngillat ilagiit kalaallit Siulersuisui akuersissuteqaqqaarsimatinagit.

§ 5. Innaallagissap aqqutaanut napparutit assignisaalluunniit iliveqarfimmut ungaluinulluunniit inissinneqassanngillat, innaallagissallu aqqutai iliveqarfik qulaallugu aamma ikaartisimaneqassanatik.

§ 6. Inissap sapinngisamik atorluarneqarnissaa siunertaralugu ilerfit inissitsiterneqassapput, sapinngisarlu naapertorlugu torersumik tulleriarlugit aqqusineerannguanik amitsunik akunnilersorneqarlutik.

Imm. 2. Ilerfit pioreersut aatsaat allanngortinneqassanngippata iliveqarfik aqqivigineqarsinnaallunilu allineqarsinnaavoq.

§ 7. Ilivissat ataasiakkaat inissaasa qanoq tulleriinnilimmik atorneqarnissaat ilagiit sinniisaasa pilersaarusiussavaat.

§ 8. Ukiakktu apisalersinnagu ukiup ingerlanerani ilerfiortigineqartussat naammattut napasunik assignisaannilluunniit nalunaaqutserneqartussat ilagiit sinniisaannit togqarneqassapput.

Imm. 2. Naleqquttuutinneqarpat iliveqarfiup ilaani immikkoortortalersuisoqarsinnaavoq timip arsaasa, meeqqat ilerfisa timilluunniit asiusimagaluartut amiakkuisa ilineqarfisinnaasaannik.

§ 9. Ilerfit ataasiakkaat pilersinneqaraangata iliveqarfimmi tassani ileqquusut malinneqartassapput.

Tamatumali atortinngitsoorneqarnissaanut ilagiit sinniisaat akuersissuteqarsinnaapput.

§ 10. Sanningasut qisuit, ilerfup ungalui, ujarattaat assigisaalluunniit eqqaassutissat angissutsimikkut ilutsimikkulluunniit iliveqarfimmut kusanaallisaataasinnaasut, allagartaalluunniit atortuilluunniit naleqqutinngitsutut isigineqarsinnaasut iliveqarfimmi inissinneqassanngillat, ilagiillu sinniisaat aalajangersinnaapput eqqaassutissat taamaattut peerneqassasut.

Imm. 2. Eqqaassutissap peerneqarnissaanik ilagiit sinniisaasa aalajangiinerat sap. ak. sisamat qaangiutsinnagit ilagiit kalaallit Siulersuisuinut naammagittaalliutigineqarsinnaavoq.

§ 11. Ilerfit torersuutinneqarnissaannik aalajangersakkat eqqortinneqarnissaat siunertaralugu ilerfit tamarmik napasumik normulerfeeralerneqassapput, atortussamillu aserujaatsumik erseqqissumik normulerneqarsimassallutik, allatulluunniit erseqqissumik nalunaarneqarsimassallutik.

§ 12. Qinnuteqartoqarnera naapertorlugu, pissutsillu taamaliornissamut periarfissaqartitsippata, soorlu utoqqaassuseq, inissaqartitsineq assigisaalluunniit tunngavigalugit ilagiit sinniisaat toqusup aappaanut inooqataanulluunniit toqusup ilerfata saniani ilivissaqartitsisinnaapput. Ilivissatut inissaq immikkoortinneqartoq iliveqarfiit pillugit allattaavinnut allanneqassaaq, normussamillu suli napparneqanngitsumik allatulluunniit nalunaaqutserneqassalluni.

Imm. 2. Aappaq inooqataasorluunniit toqukkut qimataasoq toqusup iliverneqarneraniit ukiut 50-it qaangiunnissaasa tungaannut ilivissamitut innersuussutigineqarsintasuni ilineqarsinnaatitaavoq.

Imm. 3. Aappap inooqataasulluunniit toqukkut qimaguteqqaartup saniani ilineqarsinnaatitaaneq iliveqarfiup iliveqarfittut atorineqarsinnaaffia sinnerlugu sivilissuseqarsinnaanngilaq, takuuk iliveqarfiit pillugit Inatsisartut peqqunsutaanni § 10, imm. 1.

§ 13. Iliveq toqusup ilaqutaanit aserfallatsaalineqassaaq.

Imm. 2. Ilerfit pisoqqat aserfallatsaalinerlukkallu torersarneqarnis?aat ilagiit sinniisaasa akisussaaffigaat.

§ 14. Nalunaarummi matumani aalajangersakkat malillugit iliveqarfiup ingerlanneqarnerata nakkutigineqarnissaa ilagiit sinniisaasa pisussaaffigaat.

§ 15. Nalunaarut atortuulersinneqarpoq 1. januar 1991 aallarnerfigalugu.

Namminersornerullutik Oqartussat, 28. november 1990

Jonathan Motzfeldt

/

Kristian Mørch

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut